

Abstract 01

Suttantapiṭakassa saṃvaḍḍhanāya Laṅkikānaṃ bhikkhūnaṃ sahāyatā

Ven. Chikko Chakma Thero,
(Bachelor of Arts (Special) Second Year - Pāli)
srimanju827@gmail.com

Anubuddhena mahā **Mahindattherena** Sīhaḷadīpaṃ ābhatam pana tepiṭakaṃ paccuppannepi laṅkikehi bhikkhūhi sādhukaṃ surakkhitam hoti. Tathāgatena desitam dhammam mahātherehi paṭhamasaṅgītiyam saṅgītam, tato paṭṭhāya bhāṇakehi mukhaparamparāya ābhatanti mayam jānāma. Tam dhammam Sammā sambuddhassa parinibbānato pañcasatavassato param athavā Mahindāgamanena dvinnam vassasatānam upari mahāvihārikā bhikkhū Laṅkādīpe **Mātularaṭṭhe āloka** nāma vihāre gantārūḷham kariṃsu. Na tu kevalam tāva, tam uggaṇḥiṃsu desayiṃsu anekesu ca potthakesu likhimsu ca. Sīhaḷikā bhikkhū pana pakatiyā yeva māgadhībhāsāya chekā babhūvum. Tasmā te mukhaparamparāya ābhatassa dhammassa naṭṭhaṭṭhānāni attanomatiyā yathānurūpaṃ racayantā ca tadaññāni racanāvīsesāni karontāpi tepiṭakassa buddhavacanassa vuddhiyā virūḷhiyā yāni kātabbāni tāni sabbāni kariṃsu. Tadattāya nidassanamidaṃ dassemi. Dīghanikāye **Mahāparinibbānasutte dhātuvibhajanam** ca **dasathūpakaraṇaṇca** paṭicca kathādayo pana porānācariyehi katāti viyattā vadanti. Tattheva tasmim suttantāvasāne pañca gāthāyo kenaci sīhaḷadīpavāsīnā bhikkhunā katāyoti **Buddhaghosatthero** dassesi. **Sammādiṭṭhisutte** cattāro gāthāyopi puna **Mūlapariyāyasutte** aṭṭhagāthāyopica Laṅkādīpe antogadhāyo viya dissanteti mahāmatinā **Yakkaḷuvagūmajena Paññārūmattherena** pakāsītā. Evameva upaparikkhante tepiṭakassa pamāṇena puthulatāya laṅkikānaṃ bhikkhūnaṃ ṇaṇamahattatampi upayutto hoti. Idam pariyesanalekhaṇam tam vīmaṃsanāya katam vāyāmaṃ hoti.

Pamukhāni padāni : ganthārūḷham, tepiṭakaṃ, pariyesanam, laṅkikā bhikkhū, saṃvaḍḍhanam